

hoort te regnerē thent hi alle sine viādē
 onder sine voete geset heeft. **M**ar tē alre
 laetsten sel die viantlike doot ghebestuert
 worden. **W**ant god heuet alle dinghen so
 worpē ond sine voete want hi seyt alle
 dinghen so syn hem alle dinghen onder
 ghedaen sonder twifel behalūē den ghe
 nen die hem alle dinghen onder ghewor
 pen heeft als dan den vad' alle dinghe
 sellē onder ghedaen wesen dan sal die so
 ne selue dien onder danich syn die hem
 alle dinc ondanich ghemaect heeft op
 dat god si al in al. **Kespōs** **O** ewichgod
 in wiens machte staet die menschelike staet
 wi bidden dattu die sielen ontbindes van
 sonden dat se die doot niet en ondergae en
 dat si die vrucht der penitencē die haer wil
 le altoes begheerde niet en verliesen. **vers**
Du die in dat cruce geset worste ontfinges
 te den moerdenaer die laet berouwenisse
 hadde wi bidden di goed'tierēlike ofwas
 sche haer sonden. **O**p dat se die doot niet
 en ondergae en dat si die vrucht der pe
 nitencē die haer wille altoes begheerde
 niet en verliesen. **H**ē ghif hē die ewige